



Pou Piblikasyon Imedya: 30/01/2024

GOUVÈNÈ KATHY HOCHUL

GOUVÈNÈ HOCHUL SIYEN LEJISLASYON POU PWOTEJE SIVIVAN YO, RANN OTÈ KRIM YO RESPONSAB POU VYÒL

Lejislasyon S.3161/A.3340 modènize lwa Eta a pou asire ke yo ka pouswiv kondwit seksyèl fòse kòm vyòl

Gouvènè Hochul priyorize pwoteje sivivan yo, li siyen Lwa sou Sivivan Adilt yo ak ranfòse sipò pou sivivan abi domestik yo

Gouvènè Kathy Hochul te siyen jodi a lejislasyon pou modènize lwa New York pou pwoteje sivivan vyòl yo epi rann otè krim yo responsab pou agresyon seksyèl.

Lejislasyon an, S.3161/A.3340, mete ajou definisyon vyòl nan kòd penal la pou asire ke yo ka pouswiv lòt fòm konduit seksyèl fòse ki pa gen konsantman kòm vyòl. Depi ke Gouvènè Hochul te antre an fonksyon, li te priyorize pou sipòte sivivan yo, tankou siyen Lwa pou Sivivan Adilt yo, mete ann aplikasyon nouvo pwoteksyon pou sivivan vyolans domestik yo, epi reprime trafik imen.

"Nou ap rasire sivivan yo ke lè yo antre nan yon komisarya oswa pwoche bò kote temwen yo, ke tout pwa lwa a dèyè yo kounye a ak pou lavni", **Gouvènè Hochul te deklare**. "Y ap trete vyòl tankou krim terib li ye a. Yo te tande vwa yo, epi nou afime ke yo pral rann yo jistis"

Lejislasyon (S.3161/A.3340), ke yo rele tou pwojè lwa "Vyòl se Vyòl" la, retire egzijans penetrasyon nan lwa vyòl yo epi tou defini vyòl kòm kontak seksyèl vajinal, kontak seksyèl oral, ak kontak seksyèl nan anis. Estati ki egziste a te eskli vyòl oral ak nan anis nan sa ki rele vyòl la epi li te egzije yon estanda ki pi wo pou vyòl vajinal. Lè li modènize lwa vyòl New York yo, lejislasyon sa a asire tout sivivan yo pwoteje kont krim sa yo epi yo pral rann delenkan yo responsab totalman.

Senatè Eta Brad Hoylman-Sigal te deklare, "Vyòl se Vyòl, sa senp kòm bonjou. Nan Eta New York nou pa ka pèmèt nosyon sèks demode, eteronòmatif limite kapasite nou pou rekonèt reyalite sa a epi pou rann moun ki komèt zak vyolans seksyèl yo responsab. Mwen bat bravo pou Gouvènè Hochul paske li siyen pwojè lwa (S8008) nou an, epi kounye a amannman nan chapit nou an, pou elaji definisyon vyòl pou l'enkli non sèlman penetrasyon vajinal, men tou zak kontak oral, anal ak vajinal. Mizajou sa a nan lwa a pral rann li pi fasil pou rann moun ki komèt krim seksyèl yo responsab epi li pral

patikilyèman enpòtan nan ede pwoteje manm kominote LGBTQ+ la, ki viktim vyòl ak agresyon seksyèl nan pi gwo pouvantaj pase Ameriken etewoseksyèl ki gen sèks natal yo. Mèsi a Manm Asanble Cruz paske li te batay pou chanjman sa a nan Asanble a epi mèsi ak Lidè Majorite Andrea Stewart-Cousins paske lwa sa a vin yon priorite nan Sena a. Mwen vle tou pwolonje rekonesans sensè mwen bay Lydia Cuomo, sivivan brav la, ke aktivis, ak pèseverans, te ankouraje chanjman sa a ki nesesè anpil la."

Manm Asanble Catalina Cruz te deklare, "Jodi a, Vyòl se Vyòl vin tounen lwa, li voye yon mesaj bay sivivan yo ke sa yo te andire se te vyòl, epi li merite pou yo rekonèt jan li ye a. Chanjman pwofon sa a rekonèt ansam doulè sivivan yo andire. Mwen rekonesan anpil pou Lydia Cuomo pou kouraj li nan non sivivan yo. Li te andire yon vyòl terib ki te pwovoke batay pou chanje lwa nou yo. Mwen ta renmen remèsye tou kolèg mwen yo nan Asanble a, sitou esponnsò orijinal yo – ansyen Manm Asanble Aravella Simotas ki refize kanpe devan lenjistis Lydia te rankontre. Mwen vle remèsye Prezidan Carl Heastie paske li te defann ak adopte lwa sa a ane apre ane, ansam ak esponnsò yo nan Sena a, Senatè Brad Hoylman-Sigal, pou devouman san pran souf li ki finalman te adopte pwojè lwa a nan Sena a. Anfen, mwen vle remèsye Gouvènè Hochul paske li siyen li an lwa pou yo ka finalman wè sivivan vyòl yo."

Depi lè Gouvènè Hochul te antre an fonksyon, te prioyize pou sipòte sivivan yo epi kenbe otè krim yo responsab. Gouvènè a te siyen Lwa sou Sivivan Adilt la an 2022, ki te ouvri yon fennèt yon ane pandan ke sivivan yo te kapab pote plent kont abizè pa yo. Gouvènè Hochul te siyen tou lejislasyon pou etabli yon sistèm pou retrase twous vyòl nan tout eta a, ranfòse pwoteksyon ak sipò pou sivivan vyolans domestik yo, ak reprime trafik moun. Gouvènè a te adopte nouvo lwa ki te agrandi lwa revanj pònografi yo pou enkli "imaj trike", reprime konduit seksyèl kont timoun, ak agrandi definisyon kontrent ilegal pou enkli fòse yon moun pataje imaj entim anba menas domaj fizik oswa emosyonèl.

Gouvènè Hochul te deplwaye nouvo resous atravè gouvènman Eta a pou asire sivivan yo pwoteje. Ane pase a, Gouvènè a te anonse nouvo konsèy pou ajans fòs lòd yo lè yo t ap reponn ak ensidan domestik yo. Gouvènè a te anonse tou disponiblite yon nouvo aplikasyon senplifye pou moun k ap chèche èd nan men eta a pou depans ki gen rapò ak krim yo.

Anplis de sa, Gouvènè Hochul te franchi etap enpòtan pou pwoteje moun ki nan mendèv la kont arasman ak agresyon seksyèl. Li te lanse yon liy dirèk sou arasman seksyèl nan espas travay nan tout eta a, li te siven nouvo lwa pou pwoteje anplwaye yo kont move kondwit seksyèl nan espas travay la, ak devlope yon politik modèl kont asèlman seksyèl pou anplwaye yo itilize.

Diskou sou Sitiyasyon Eta 2024 Gouvènè Hochul la gen ladann etap enpòtan pou pwoteje sivivan vyolans domestik yo. Gouvènè a ap pwopoze envestisman solid nan yon seri estrateji pwouve pou ogmante chans pou yo pousuiv ak siksè ka vyolans domestik ak alafwa sezi zam afe, dekoraje vyolans alavni pami delenkan ki gen gwo risk yo, epi ede sivivan yo rekipere yo:

- Bay finansman devwe nan biwo Pwokirè Distri yo nan jiridiksyon GIVE yo pou elaji DV STAT, yon modèl ki te pilote an premye nan Queens ki sipòte rasanbleman prèv ak bati relasyon ak viktим yo menm anvan yo te fè yon arrestasyon.
- Bay jiridiksyon yo finansman pou yo aplike zouti pou evalye risk "estanda lò" pou konsantre sou moun ki gen gwo risk ak viktим vyolans domestik yo;
- Bay jiridiksyon GIVE yo finansman devwe pou konsantre sou delenkan vyolans domestik yo, idantifye moun ki gen plis risk yo epi angaje yo pou redui residivis;
- Bay finansman pou elaji pwogram Sipèviziyon kont Angajman Vyolan (Supervision Against Violent Engagement, SAVE) pou amelyore sekirite piblik pami moun ki fèk libere yo nan konsantre sou vyolans domestik;
- Bay finansman bay jiridiksyon lokal ki fè patenarya ak CAC yo pou konstwi kapasite pou kolekte done fòs lòd lokal yo epi pou travay avèk Biwo pou Prevansyon Vyolans Domestik Eta a pou revize kapasite aktyèl eta a pou pataj enfòmasyon fòs lòd yo konsènan rapò sou vyolans domestik yo. New York pral modènize itilizasyon done enpòtan ki disponib yo lè y ap reponn apèl domestik pou sèvis yo atravè Rapò Ensidan Domestik la epi elaji itilizasyon Sistèm Nasjonal Rapò Ensidan an pou enfòmasyon ak rapò ki enpòtan ki ka sove lavi yo, elektwonik, yo ka pataje, epi yo ka fè rechèch ladan yo nan tout eta a;
- Kontinye angajman Gouvènè a pou I bay sivivan yo èd finansman fleksib pou ijans yo bezwen nan moman kriz yo atravè mikwo sibvansyon yo dwe itilize pou kouvari depans yo nan sitiyasyon ijans yo.

Komisè Divizyon Sèvis Jistis Kriminèl la, Rossana Rosado, te deklare, "DCJS fyè de travay nou pou ede asire ke ofisyè lapolis nan tout New York resevwa fòmasyon epi enfòme sou fason pou yo reponn viktим vyòl ak sivivan agresyon seksyèl avèk sansiblite, pwofesyonalis ak respè. Nou remèsye Gouvènè Hochul pou lidèchip enkondisyonèl li sou sekirite piblik ak pou siyati lejislasyon sa a an lwa, ki pral pèmèt yo tande vwa viktим yo ak sivivan yo epi rann otè krim yo responsab."

Direktè Egzekitif Biwo pou Prevansyon Vyolans Domestik lan, Kelli Owens, te deklare, "Mèsi Gouvènè Hochul, Senatè Hoylman-Sigal, ak Manm Asanble Cruz, paske nou te franchi etap enpòtan sa a pou valide chòk sivivan agresyon seksyèl yo te sibi lè yo rann otè krim yo responsab. Lejislasyon sa a montre objektif NY ak OPDV pou inisyativ ak aksyon ki enfòme sou chòk, ki sантre sou sivivan epi ki reponn sou plan kiltirèl pou sipòte sivivan yo ak viktим yo."

Direktè Enterimè ak Avoka Biwo Sèvis pou Viktим lan, John Watson, te deklare, "Anba lidèchip Gouvènè Hochul, Eta New York te elaji pwoteksyon pou viktим krim yo epi asire finansman pou pwogram ki bay sèvis esansyèl pou viktим ak sivivan vyòl, agresyon seksyèl ak lòt krim. Mwen remèsye pwofesyonèl konpasyon yo ki te dedye karyè yo pou ede Nouyòkè parèy yo epi aplodi Gouvènè Hochul pou angajman solid li anvè dwa ak sèvis viktим krim yo."

Ansyen Manm Asanble Eta New York la, Aravella Simotas, te deklare, "Mo yo gen pouvwa. Lè nou modènize lwa sou vyòl ansyen yo, nou rekonèt chòk sivivan yo fè fas epi nou franchi yon etap pi pre egalite. Mèsi, Manm Asanble Catalina Cruz, pou dispozisyon lejislatif ou, konsantrasyon w, ak pasyon w; mwen pa te kapab mande yon pi bon defansè pou pote pwojè lwa sa a. Nou pa t ap la jodi a san angajman inebranlab Asanble a pou wè pwojè lwa sa a vin lwa. Mèsi, Prezidan Carl Heastie, pou asirans ou ak amitye ou. Mwen dwe yon gwo dèt rekonesans anvè Senatè Brad Hoylman-Sigal, ki te patnè mwen nan priyorite lejislatif sa a depi nan kòmansman li, ak Lidè Majorite Andrea Stewart Cousins, ki finalman te mennen mezi sa a pou rive nan yon konklizyon ki pote sikse nan Sena a. Mwen remèsye tou Gouvènè Kathy Hochul ki imedyatman konprann ke pwojè lwa sa a gen pou wè ak rekonèt chòk. Finalman, chanjman enpòtan sa a pa t ap posib san Lydia Cuomo, ki te fè trajedi a tounen triyonf. Li te vwayaje nan Albany pou rakonte istwa li epi edike lejislatè yo, avoka yo ak mond lan sou efè move definisyon, mizojin ak omofob nan Kòd Penal nou an. Mèsi paske w montre nou kijan pou n avanse epi fè pwogrè pou tout moun ki siviv vyòl."

Pwokirè Distri nan Konte Erie ak Prezidan Asosyasyon Pwokirè Distri nan Eta New York, John J. Flynn, te deklare, "Asosyasyon Pwokirè Distrik nan Eta New York sipòte ak defann eliminasyon egzijans penetrasyon depi lontan nan lwa sou vyòl Eta New York yo. Nou felisite Gouvènè a ak Lejislati a paske yo te travay di sou lejislasyon sa a epi mennen lwa sou krim seksyèl nou yo nan epòk modèn nan lè nou retire egzijans pou penetrasyon ki kont faan epi k baze sou sèks ki te fè pati lwa vyòl yo."

William Rivera, Direktè Egzekitif Pwovizwa Kowalisyon Kont Agresyon Seksyèl nan Eta New York, te deklare, "Pandan twò lontan, definisyon vyòl demode New York la te anpeche sivivan yo chèche jistics yo merite a. Siyati jodi a make yon chanjman monimantal pou asire definisyon kontak seksyèl ki pa gen konsantman pi byen alinye ak eksperyans sivivan yo viv, konsa sa ap pèmèt yo chèche vizyon jistics yo. Nou bat bravo pou Gouvènè Hochul paske li siyen pwojè lwa sa a epi li avanse nan direksyon yon New York ki pi ekitab pou tout sivivan vyolans seksyèl yo."

Emily Miles, Direktris Egzekitif Kowalisyon Eta New York Kont Agresyon Seksyèl la, te deklare, "Avèk siyati lejislasyon sa a ak elajisman definisyon vyòl la, lwa penal Eta New York la finalman vin alinye ak eksperyans plizyè milye sivivan atravè New York, deklarasyon Emily Miles, Direktris Egzekitif Kowalisyon Vil New York Kont Agresyon Seksyèl la. Alyans lan eksprime pwofon remèsiman nou anvè Gouvènè Hochul, Senatè Hoylman-Sigal, ak Manm Asanble Cruz pou angajman yo pran pou asire vwa ak eksperyans TOUT sivivan yo apresye ak onore."

Biwo Sèvis pou Viktim dirèkteman ranbouse founisè medikal yo pou depans pou yon egzamen medikolegal pou vyòl (forensic rape examinations, FRE) si yon moun pa gen asirans sante prive oswa li chwazi pa itilize asirans sante prive yo pou egzamen an. Mezi sa a se yon eksepson ak règ peyè dènye rekou ajans lan epi li pwoteje vi prive viktим yo. Biwo Sèvis pou Viktim lan aksepte tou dokiman FRE olye rapò lapolis yo, ki pèmèt moun yo chèche asistans finansye ak ranbousman nan men OVS pou lòt depans ki gen rapò ak krim nan.

OVS lan finanse ak sipòte 239 pwogram asistans pou viktim nan tout eta a ki bay sèvis esansyèl, tankou konsèy pou kriz, gwoup sipò, jesyon ka, abri ijans, èd legal sivil ak asistans pou demenajman, pami lòt asistans, pou viktim yo ak sivivan agresyon seksyèl ak lòt krim, ak fanmi yo. Moun yo ka vizite ovs.ny.gov/connect pou jwenn pwogram sa yo, ki bay sèvis gratis epi kèlkeswa si yon moun te rapòte krim lan bay lapolis. Liy Asistans pou Vyolans Domestik ak Seksyèl Eta New York la (New York State's Domestic and Sexual Violence Hotline) disponib tou pou sipò konfidansyèl ak defans 24/7: 800-942-6906 (voice), 844-997-2121 (tèsk) ak opdv.ny.gov (tchat).

###

Lòt nouvèl disponib sou sit www.governor.ny.gov

Eta New York | Chann Egzekitif | press.office@exec.ny.gov | 518.474.8418

Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)